


אֲרִיזָה הַהוּב הַהוּב וְחַ שֶׁד עַל-פְּנֵי וְד



Bung 3:
MAWSI


לְאֵלֵינוּ וְלֹא לְיָדָיו וְלֹא לְיָדָיו וְלֹא לְיָדָיו
וְיִהְיֶה יוֹם אֶחָד: פּ וַיֹּאמֶר אֱלֹהִים



B.C. 1706

Abraham-ih tupa Jacob in paam sung hmuahhmua Egypt ih um dingin a fapa 12 pawl le a fanaupawl le an salpawl a hruai hai. Egypt ram ah leilung ih leivut zatin an pungzai.

Israel tiih thleng a si mi Jacob ih tefapawl cu Egyptpawl hnakin an rungtam sawn



Egypt ram uktu Pharoah in Jacob ih tefapawl cu salah a tua ih hnatuan khung a si mi tlak (ukke = brick) a tuahter hai. Kum 300 lenglo an um hnu-ah Abraham hnen le a pupapawl hnenih Pathian ih thuthiamkam an theihngilh.

Hi miphunpawl hi midang ramah an feh ding ih sal ah an cang ding ti cu Pathian in Abraham hnenah a rak simcia. Cun kum 400 a kim hnu-ah Egypt ka hrem ding ih a mipi cu a tiamcia mi ram ih a hruainak thu khal Pathian in a rak simcia.



Thudik ka lo sim ding! Minung tampi kan si ruangah Pharoah in in tih.

Nauhakpawl an zatan a that rero lai. Egypt miphunpawl cu an cak lo ih, an se fawn. Kannih milaipawl cu hnatuan har tuan dingah an cak ruangah in tih a si ko.

Ka fapa cu an that lo ding. Pathian in a kilhim ding.

Ha! Pharoah-ih huhamcahnak kalh in Pathian in ziang a tua thei ding?



A si lo! Ka fate cu that hlah uh.

Pharoah in Judah mi an pungzai cak tuk ti a theih tikah mipa naute suakpek zatan that thluh a tum.



Asinan nunu, Ralkappawl in khuiah naute teh tiih in suh tikah ziangtin ka sang ding?

Thudik sim men aw. A nu in tiva ih a hlawn zo mi a si ih ralkappawl khal in zianghman an ti zik lo.



Ka nu, tidai a put lo ding ti na fiang taktak maw?

Thil hngang zet thawn erh thluh mi a si. A phuan aw thei ko ding.

Ka nau pate hi hmuhsal can a um leh pei maw? Aw! Egypt-pawl hnen ihsin tiah maw?

Pathian in a kilhim ding. A kiangah na um pei ih na zoh phah ding.



Pharoah ih fanu takkhwahlh dingin tiva ah a ra.

Zoh hnik uh! Khi tawkih bawm sung in tap thawm a um!



Duh a va nung so?

Hebrew nautepawl lakih pakhat a si ding.

A ril a rawng zet ding.



I kilkhawi sak theitu ka hmuh ahcun ka cawm ding.

Hebrew nauhakpawl lakih mi pakhat khinah a um. Amah in naute kilkhawitu ding cu a thei ko ding.



Naute kilkhawitu ding ka va hawl ta ding. An hlawn mi naute-ih nu cu ka theih mi a si. Hnawiti tla tampi a nei lai.



Saduhthah relthei na si lo. Na thup ringring thei lo ding. A rei maw rei lo ti men a si, ralkappawlin an hmu dingih an that ding. Pathian rinsannak kaihngget sawn aw.


Ka thiltuah mi hi ziang so a si. Ka fapa hmuhsuak ni a um pei maw? Pathian in a ngaihsak pei maw?

Nu, Nu!



Nu, Pharoah ih fanu tiva ah a ra ih ka naupa a hmu so khaw. Amah in cawm a duh ih a kilkhawitu ding a haw! Tu hinah a ra so khaw!

Catuan Pathian cu thangthat si ko seh!



Na naute na ti hlo ti ka thei. Ka riah a se zet. Hi naute hi tiva ah ka sar. Ka lo pe ding ih, ka hrangah na rak kilkhawi pei.

Hnawi nan phiat hnu-ah ka ra sal ding ih, siangpahrang inn ah ka hruai ding. Egypt ram ih Pharoah si dingah sersuak a si ding


Mawsi a thang vivo ih a dik mi an pupapawl ih Pathian in a zirh. Pathian in hi naute hrangah tumtahnak a nei.




Lal fapa, a sungah hung kai awla siangpahrang inn ah kan lo hruai ding.

Ziangtluk an tlan cak thei?

Mawsi na rak kilkhawi ih ka lung a awi tuk. A harhdam zet ding a bang. Milian le huham nei mi si dingah a thanglian ding so khaw.



Pharoah fanu in a fa si dingih a lak zo vek in Mawsi cu Egypt miropi si dingah a thang so vivo.



Mawsi hi mi ka lo sim, kan papawl Abraham, Isaac le Jacob-ih Pathian in Abraham hnenah hitin a rak sim. Na cithlah cu ka pungzaiter dingih anmai ram si lo ah mikhual an va cang ding. Cucu tui kan umnak hi a si!

A si! Abraham hnenah hiti khal in a sim, cui ram ahcun kum 400 sung ti duhdah an tuar ding a ti. Hi ram ih kan umnak hi kum 359 a si zo ih kum 41 lawng a tang.

Zum a va har deuh ve. Pharoah in a salpawl a thlah mai lo ding ih, lennak thawi suahter ding khal a siang lo ding. Asinan lamzin a um tla a si men ding. Zianguangah kum 41 sung hngah a tul maw?

Abraham hnenah hiti khal in a sim, in ti duhdah ruangah Pathian in cui ram cu a hrem dingih lennak maksak thawn kan pupapawl hnenih Pathian pek mi ramah kan kirsal ding a ti.



Hebrew mipi cu an lalpawl kut hnuaiah tiduhdahnak an tuar nasa. Tlakrawh tuahnak hmunah an tuan natsat a tul. Mawsi in a mipi tuarnak a zoh men thei lo ih, thil pakhatkhat tuahsuak dingih tumtahnak a nei.

A lo vuakthat hlanah tho lohli aw!

Tho aw,
nang vek vawk fihnungza.

Eber, tho aw.



Nikhat cu Egypt pa in amai lam pa nasazetih a vuak lai kha Mawsi in a hmu.

Runsuaknak can a cu. Hivek cu a daih tengteng a tul.



Vuap! A vuak tupi

A tang nawn lo!

Mawsi in Egypt pa a thah ih a phum. Asinan mipakhat in a rak hmu ih Pharoah hnenah a simthei.



Oh Pathian! Ziang ka tuahsual?

Cawl aw, tual that hremnak na tuar ding!

Khi! Mawsi a si ual!



B.C. 1491 hrawng a si

Mawsi cun Egypt a suahsan ih nelrawn ah a feh. Innsungsang le rualpi nei loin a mahte a um. A mipi a run ngah lo. Amah le amah hman a run aw thei lo.




Nitam zet Mawsi cu ke in a feh. Lamhla a feh thei nawn loih tuukhal riahbuk a pan.

Zoh hnik uh!
Mipa pakhat a um!

A thi zikte a bang. Tidai pe hnik uh.

Egypt mi a si hi!



Mawsi cu Midianpawl hnenah umhmun a khuar. Nelrawn lamzinpawl a hmsin. Nupi a nei ih tuukhaltu ah a cang. Kum 40 a liam ih Egypt cu hlalawng in a mang. A mipi hmuhsal ding cu a ruat ban nawn lo.



Khi thil cu a va dang lam ve!
Ziangtin khi hrampi ah meisa alh a um ih, a kang fawn lo? Meisa le a alh sunzawm rero.



Mawsi, na kadam phawih aw. Hmun thianghlim ah na ding a si. Kei cu napa Abraham, Isaac le Jacob-ih Pathian ka si.



Egypt ram ih ka mipi tuarnak le thlacamnak ka hmu ih ka thei zo. An pupa an ti duhdahnak sung ihsin an pupapawl hnenih ka tiamcia mi ram ih hruai can a cu a si.

Pharoah hnenah ka lo thlah dingih an saltannak sung ihsin ka mipi na hruaisuak ding a si. Ka minungpawl tlungter dingah na va sim pei, asinan a duh lo ding. Cui si cun Egypt ah ka huham ka langter ding. Cu mi theh cun a tlungter ding a si.



Asinan nangmai thlah mi ka si ti in zum lo dingih in hnihsan men ding.



Na kianghrol kha leilung ah hlawn hnikaw.



Ziang ee? Ka kianghrawll maw!



A hrang zet mi rul ah a cang!



Rulkha a mei in vun kaiaw.



Ka kianghrawll ah a cangsal!



Egypt ah feh awla, na tawng ding le na tuah ding mi ka lo sim ding. Na unau Aron kha nangmah lo bawmtu a si ding.

1445 B.C.



Kum 4 a si thlang ih ka thuhla a theitupawl cu an thi theh zo. Zohman in theithiam nawn lo ding.

Upa hruaitu hmuahhmuah in ko khawm uh! Runsuahnak can a thleng zo!

Egypt ah na tlung ding si khaw, thah ding in a lo hawltupawl teh ziangtin?


Ziangtik tiang na va um ding?



Anih cu Levi miphun Aaron a si. Pakhat sawn cu kanmah vek asinan anih cu sal a si lo.

Zo pawl an si?

Anih cu Levi miphun Aaron a si. Pakhat sawn cu kanmah vek asinan anih cu sal a si lo.



Mawsi cu Pharaoh in naute a thah can a liamcia mi kum 80 ih suak a si. Anu in kho sungah ret in tiva sungah a thup. Pathian kilhinnak ruangah Pharaoh ih fanu in a hmu ih, Egypt mi vek in a cawm pitling.

A liamcia mi kum 40 ah khan Mawsi cun Egypt ram uktu si hnak cun a mipi thawn harsattuar a hril sawn. Amai thazang in in runsuak tum nan a hlawhtling lo. Kan pupapawl hnenih Pathian tiamcia mi ramah a liamcia kum sawmli sung nelrawn ah a rak ceng. Kan dung naiteah Pathian hnenah a tawng ih, Pharaoh kut sung in ziangtin in runsuak ding ti khal a hmuh! Tu-ah, Mawsi in Pharaoh ih tlun in siantheinak dingih a tuah ding mi hmuhsaknakpawl in hmuh ta ding.

Ra naih uh! Israel upa hmuahhmuah-pawl




Meisa kang sung in Abraham-ih Pathian in thu in sim ih, kan pupapawl cennak ram ih lo hruaikirsal dingin thlah ka si. Hihi a hmuhsaknakpawl an si.



A va mak ve! A kianghrawl rul ah a cang.

Tih hlah uh!



Hi hi zoh uh.



Pathian in runtu a run thlah zo.

A tha, Pharoah in rak hmu seh.


Mangbang za a si ual!

A tu rori ah Pharoah hnenah feh uhsi!

Abraham-ih Pathian!



Hitawk ka suahsan hlan a liamcia mi kum 40 vek thotho a si hi. Thil danglam a um lo ka lo sim vekih tawng ding kha theihngilh hlah aw.



Israel-ih Pathian in Mawsi hnenah hitin Pathian in tlentu a run thlah zo. Ka mipi in raithawinak in hlan theinak ding le in biak theinak dingah nithum feh a si mi nelrawn ah na fehter ding tiah Pathian in a lo ti.

Ha! Israel-ih Pathian e?
Ha..Ha..Ha..Ha..Zawi Pathian so a si ih, a thu ka lun ding? Zum um lo za a si. Ka salpawl nithum sung nelrawn ah ka fehter lo ding.

Ka mipi hnatuan cawl dingah ziangtin an tha na thoter ti khal ka thei. Cun, tu-ah, keimah hmanih ka theih dah lo mi Pathian cu nithum sung biak kan duh an ti. An hnatuan hi zianghman an sair lo ruangah a si ti ka thei. An hnatuan tampi ka bet ding.


Curuangah tuini ihsin, tlakrawh tuah dingah cangpawl anmah te an tumaw thlang ding. Ka hnen ihsin tu rori-ah suak uhla nan ratnak hmunah kirsal uh.





An ningzah neih lo zia hi na zum maw?

Hnihsuak za an si kha. Anmah cu Pathian aw bangin hi tawkah an ra sapbai.



Na va tuahsuak thei mi cu kan hnatuan punzaitertu men ti hi maw in sim rero? Tlennak phunkhat a si pei cu. Cucing in Pathian in a lo thlah tin na ruat aw maw?

Amah te cu zo ah a ruataw?

Mipi phurnak phun khat a si ve hi!

A bumnak hnuai ah kan tang a si hi



Hnatuan ding khawpkham nan nei lo a si hi. Nan Pathian biak nan tum lamlam cu. Zangzel lo dan ka lo zirh ding.



Jehovah, Na hmin in thusim dingih ka rat tikah boruak a sia sinsin. Zianguangah hinah in rak thlah?

Kei cu Jehovah ka si, nan pupa Abraham, Isaac le Jacob-ih Pathian ka si. Ka mipi Israel-pawlih tuarnak le aihramnak ka hmu ih ka thei zo.

Abraham hnenih ka thutiam mi hlensuak a cu ih hi mipi Canaan ram ih hrui can a cu a si. Mawsi, nangmah in na hruihaih ding


Asinan thitha hman in ka tawng thei lo ih, Pharaoh in in zum lo ding.

Aaron in a tawng ding, I ngai aw a sim ding mi kha sim menaw. A tir ahcun Pharaoh in a lo zum lo ding nan Pathian nung umsun ka sinak Egypt-pawlin an theih tiang hmuhsaknak maksakpawl ka hmuhter hai ding.



Ha..Ha.. Hinah ziang na ra tuah sal?

Jehovah in **"ka mipi fehter aw"** tiah a ti.




Hi hi Jehovah ih simcia mi hmuhsaknak a si.

Ha..Ha..Ha, dawi thiamnak maw? Ka thin i tiphang lamlam lo. Kan dawithiampawl kha hei ko hnik uh.

Dawi vek a tuah mi cu a ngaingai tla a bang nan ti ko lo maw?

Hi thil tuahdan khuiah a rak zir si pei?






Zoh hmik uh!
A rul in kan rulpawl
a do tum ve hi.



**A rul in
kan rul lakih
pakhat a ei
khi!**



**Kan rul zaten a
dawlh thluh ual!**




Rul dang a ei tum
lala ti thu in sim hlah uh!
Kan rul pathian, Nesert,
a thin a heng ding.




**Ka zum thei
lo! A rul in kan
rul zaten a ei
theh khi.**

**Ziangtin hitin
a cangthei?**




Jehovah cu
sersiamtu Pathian a si,
**“Ka mipi
fehteraw a ti”**



Ziangtin hivek thil na tuah thei ti ka thei lo. Asinan na thiltuah mi ruangah (a thawng za siar) [million] salpawl ka thlah cuang lo ding. **Ka mithmai ihsin tlansuak uh!**

Suahlannak 7:13
“cun anih (Pathian) in Pharoah ih thinlung a hakter ruangah Bawipai a simcia vekin an thu a ngai lo.



Ziangruangah Pathian in Pharoah ih dawthiampawlih tuahthei mi “hmuhsalnak” in thlah? Miaa in bangter theh.

Ka theithiam lo asinan Pathian in Pharoah ih thinlung ka hakter ding a ti. A hak ngaingai. Ka rul in an rul a ei thluh kha na hmu maw?

Ikha mi in miaa a bangter kha. Jehovah thawi biakawknak hmun ka hawl a tul. Tuteh ziang kan tuah ding ti ka thei lo.

Pathian in Mawsi a tawngsal ih a tuah ding mi a sim. Egypt-pawl cun Mawsi an zum thei lo. A mipi in an hnawl. Ziangah tile Pharoah in an hnatuan a punter. Asinan Mawsi cun a theithiam lo nan Pathian a ring ih a thu a thlun.



Jehovah in hitin a ti, **“Ka mipi na fehter siang lo ruangah a dik mi Pathian ka si zia na theihnak dingah Egypt ram ih tidai hmuahhmuah thisen ah ka canter ding”** a ti.

Tui tumih a tuah mi cu mithinlung a va khawih ve. Ziangtin a tuah?

Ka dawthiampawl ko hnik uh. Kan Nile Pathian in a cawlder ding.



Zoh hnik! Ka dawthiampawl in an tuahthiam ve si. Hi dawthiamnak lam na tuah mi cun i thlemtlu lo ding.



Ka dam sungah hivek thilcang ka hmu dah kel lo. Tihna-cirhtiput tiang in thisen ah an cang theh. A sal mi cu a Pathian hmin cu a si ko lo maw si?

Sim roero tla le a danglamnak ziang a um? Pathian a thawng tel in kan nei ih kan Nile Pathian a thin a heng ding so khaw.

Pathian pakhat e? Cuvek cu zum ding a um lo.

Mawsi an ti mi pa cun a Pathian cu Pathian umsun a si a ti.

Tidai thisen ih a can hnu nisarihnakah Mawsi in Egypt parah Pathian thuthennak a tlunter bet.



Tidai in Butlak tampi suah seh.



A thu mi thisen in Butlak thawngzatel a hun suahter.



Ka inn cu Butlak an khat theh.

Egypt ram pum in Butlak an khat. **Pathianpawl an thin a heng!**

Kan puithiampawl teh khuiah an si? Ziangtal an tuah thei lo maw si?



Eiii



Pharoah, zoh hnik aw, kannih dawthiampawl khal in Butlak kan tuah thei ve.

Ziangruangah Butlak cu an tuahbet? Mawsi an ti mi pa in tamtuk a suahter zo si lo maw? Tu-ah Pharoah in tamdeuh a suahter bet fawn.

Ziangruangah an lo dil vekin nelrawn ah cun na fehter men lo? Kan tuar nawn lo a si.



Mawsi kha ko hnikuh. Ka be duh tiah sim uh.

A si, Lal Bawi, na sim vekin siseh.



Butlakpawl lahlo theh dingin Jehovah hnenah in dilsak aw. In tuahsak asile na mipi raihawinak tuah dingah ka tlhah hai ding.

Ziangtikah tuahsak na duh?

Thaizingah.

Na tawng vekin siseh. Cuti cun mi zapi in Jehovah Pathian lo Pathian dang an um lo ti an theihnak dingah.




A tawng vekin a tikcu teah Butlakpawl an thi theh ti Pharoah in a hmuh tikah a thinlung a hakter sal ih Hebru mipi thlah ding a siang sal lo.

Pathian kut suak a si tiah ziang in a lo ruatter? Anmah te an ra piangsuak men tla a si pei cu maw.

Pathian kut suak a si tiah ziang in a lo ruatter? Anmah te an ra piangsuak men tla a si pei cu maw.

Ziangtin Mawsi in a thleng ding ti a simlawk thei? Ziangtin cumi can ciah ah anzaten an thi ding ti theihthei?

Aw, tawngtam nawn hlah, cawl men aw, cuti lo cun theh ti kan nei lo ding.



Cun Jehovah in Mawsi hnenah hitin a sim, **“Aaron hnenah sim aw, na kut suah awla leilung parah leivut kha thawi aw cuti cun hrik ah an cang dingih Egypt ram pumpi an khat ding”**.



Egypt ram ih leivut hmuahhmuah cu hrik ah an cang theh.


IEEEEE!




A si, Hi mi cu Pathian lawngin a tuah thei. Hi mi pahnih ih an tuah vek cu zohman in an tuah thei lo ding. Kannih cu huhman kan nei lo rori a si ko.

Hrik kan tuah thei lo e? **mipi in an Pathian hi kan Pathian hnakin a cak deuh ah an ruat ding so khaw.** Dawithiampawl, hi vial lawng maw nan tuah thei.

A simfiangdan tla phungdang zawng in a um men ding nan kannih cun kan ti thei lo rori a si. Mawsi hnenah hitin sim uh. A Pathian in hi hrikpawl a lakhloh ding a si ahcun Hebrew-pawl cu an Pathian be dingin ka thlah hai ding.



Hrikpawl an tlanhlo thluh zo nan salpawl ka thlah thei lo ding. An Pathian in hi lo bak ziang a tuah thei nawn ding?



Pathian in Mawsi hnenah hitin a sim. "Egypt ram ah fikfa ka tlunter ding ih, nan inn cu fikfa an khat theh ding. Asinan tui tum cu Hebrew-pawl le Egypt lak ah danglam deuh in ka tuah ding.

Ka mipi hnen ahcun fikfa a leng ve lo ding. Hi mi in leitlun pumpi ih Pathian ka sinak mi zate in an thei ding."



Papa, ziangruangah kan puithiapawl in an tuah thei ve lo. An huham khuinah a um?

Biaknak lam thu zianghman ka thei lo. Ka hna lawng si ka ngaihsak men.



A sim vek cekci in Hebrewpawl hnenah fikfa a thleng ve lo. Hi mi cu an Pathian ih tuah mi a si tengteng ding.

Feh uhla Mawsi va hawl uh.



Feh uhla nan Pathian hnenah raihawinak tuah uh. Asinan Egypt cu suahsan hlah uh.

Nithum sung hrawnghrang kan feh ding.


Nan feh thei ka lo ti. Asinan lam hlatpi ah nan feh lo pei. Tu-ah thlacam awla hi fikfapawl la hlo dingin dilaw.



Fikfa pakhat hman Egypt ah an tang nawn lo. Hihi cu mangbanga a si.

Tawng hlah hi minungpawlih thu na zum thlang a si lo mav?

Pharoah in a thinlung a ti hak sal ih mipi fehter a siang lo.



Pathian in Egypt ah nathrit dang a run thlah. An cawpi, an cawcang, an tuu, an rang le an kalaukpawl cu hmasia maksak in a tlak ih an thi ciamco.

Kan rannung pawl an thi theh ih, ziangtin nan ta cu an harhdam thei tiin na sim thei pei maw?

Hi mi cu kan pupapawl-ih Pathian in nasa zetih mi nan tiduhdahnak saal ihsin in rundam ding a si. Asinan kei cu mi menmen ka si ih, theih mi dang khal ka nei lo.

Kan puithiampawl in kan pathianpawl hnenah raithawinak an tuah rero lai. Kan rannung thianghlim a thin a heng ding ih hi mi cu a rehter ko ding.



A tlaituk zo tiah Pharoah kha va sim uh. Kan rannung thianghlimpawl an thi theh zo. Kan Pathianpawl an mahte Hebrewpawl ih Pathian kut in an hum aw thei lo ti mipi in an theih tikah an thing a heng tuk ding.

Egypt pawlih Pathian khuiah an si? Huham an nei lo maw si?

Asinan Pharoah cun a thinlung a hakter tho.



Vutzampawl la awla an khawpi ah theh aw. Egyptpawl cu khuaihli natnak in a tuam ding tiah Pathian in Mawsi hnenah a sim.

“Ka mipi na fehter na siang lo ruangah khuaihli natnak rapthlak cu nang le na rannung parah a thleng ding” tiah Pathian in a ti.

Aw! A si lo, thleng nawn lo ee.




Dawthiampawl kha va ko hnik uh. An huham ko cio dingin sim uh. pathianpawl hnenah raithawinak tuah uh. Hi thil hi rehter uh.




A naibikih um kha va ko aw.

Nang te? Mawsi-ih Pathian donak huham na nei lo maw si?




Ka hnen ihsin tlansuak uh, **“huham nei lo le thahnem santlailo-pawl”**. Thiam zet vek in nan um ih, mipi hmuah miaa ah nan can, asinan a tu-ahcun bumhmang nan si zia ka thei zo. Khuiah nan pathianpawl teh?



Zingpit te-ah tho awla Pharoah hnenah hitin simaw, “Hebrew-pawlih Pathian in ka mipi fehteraw a ti. A neta lamah cun hremnak a rapthlah deuhdeuh ding. Na mipi tampi an thi phah ding. Cuti cun keimah vek Pathian dang an um lo ti na thei ding. Pharoah si dingih a lo tuahtu keimah ka si tin a thei fawn lo. Na thinlung na hakter ih ka mipi fehter siang lo ding ti khal ka theicia theh ti kha theiaw.

Na lungkannak cun ka hrangah ka huham langternakah cantha i pek bakah thuthenak a um lai ding mi thu khal a sim a si. Na duhnak lawng na tuah ih, ka duhnak tuah na hnawl ruangah thaisun tu tikcu ah leitlun mi in a hmuh dah kel lo mi rialruah le meisa ka surter ding.

Mai rannung cair ran innih khum thluh dingih ralrinak na pek theinak dingah hihi ka lo simcia. A lengih um mi zaten an thi theh ding.



Jehovah ih a
sim vek in si
ko seh.




Ralrin peknak ngaihsak loih
lenglamih umpawl cu an thi.

Ziangtin vur
le meisa a rawi
aw thei?

**A cak mi
Pathian SETH in
run hram aw.**


AHHHH!



Papa, ziangtin Mawsi an ti mi
pa in hivek a tuahthei? Boruak le
thlipi kilkhawitu kan Pathian SETH
hnak in Mawsi-ih Pathian hi
huham a nei cuang maw si?

Pathian pakhat lawng
a um ih, Hebrewpawl
hi a falepawl an si
ti'n a zirh so khaw.

Asinan Hebrewpawl in
sisseh, zohman in Mawsi-ih
Pathian cu an hmu dah lo. A
Pathian cu thlarau a si ih, a mipi
nelrawn ah feh ih, amah an biak
theinak dingah Pharoah zumter
dingin a zuam rero lai a si.



Aw! a cak mi SETH, thli le ruah ih
Pathian, hi raphlak zet mi thli le ruah
cawltter dingah kan lo dil a si. Nang cu
hmuh theih lo mi Mawsi-ih Pathian
hnakin na ropi sawn a si.




Kan hnen cu a ra thleng lo; Egyptpawl hnen lawngah a si.

Papa, ka tih. Vur le meisa kan parah a sur ve pei maw?

Sur ve lo e ka fapa, Jehovah-ih thu an lunlo ruangah Egyptpawl hremnak an tauar a si hi. An thli pathian Seth an ti mi in bawm dingah huham a nei lo tiin a Pathian in a langter a si.


A raphlak tuk aw.



Jehovah hmaiah ka soal zo. Hebrewpawlih Pathian cu a dingfel ih kei le ka mipi cu misual kan si. Jehovah hnenah rial le meisa cawlder dingin in dilsakaw la a zamrang thei bikin na mipi ka thlah ding.

Khawsung ih ka suah leveten vanlam ah ka kut ka thlir ding ih, hi hremnak cu a dai ding. Hi mi ruangah leilung cu Jehovah ta a si ti na thei ding nan na tawng vekin na tuah cuang lo ding. Pathian na tihzah hrih lo.

Thlipi a reh ti Pharoah in a hmuh tikah a soal sinsin ih, a lung a ti hak sal lala ih mipi feh ding a siang cuang lo.



Pathian in hremnak dang a thlen sal. Thlisia ih nuai siat lo mi hnah hring hmuahhmuah cu kharbawk in an siatsuah theh. Cui hnu-ah innsung ah an lut ciamco.



Ka nu,
ka nu.

A H H H E E E!

Khi khi
la aw!



Geb, hangnahhangrah-ih
pathian, kan thlairah cin mi
parah Hebrewpaw! Pathian-ih a
tuah mi hi na hmu lo maw si?

Orisis, tui ni-ah
na cahnak rung
langteraw.


Pharoah in Mawsi a ko ih, a mipi fehter dingin thu a tiam,
asinan Pathian in kharbaw a lakhlo theh tikah Pharoah
cun a thimlung a haktersal ih, a salpaw! a thlah siang lo

Pathian in Egypt ram ah thimkhawzing a tlunter. Nithum sung cu zan ih mero sah zet hnakin a thim deuh.

In rak that thluh men hai sehla ka va ti em ve, asinan cuti rak sisehla kan pathian in an Pathian thluh huham a nei lo ti a langter ding fawn.

Ka hnen ihsin suakaw. 'Na mithmai ka hmu paih nawn lo. Ka lo hmuh ni cu na thih ni si seh.

Thudik vawikhat na sim zo. Kan hmuaw sal nawn lo ding.



RA, ni pathian ropi, in thei hram aw. Nithum sung na thup aw zo, Hebrupawl-ih Pathian hi na run do neh lo ding maw si?

Hi maw si! A netabik hremnak Egypt kan suahsan lai Pharoah in a hmuh tikah a lung a awi ding. Tui zan rori ah Pathian in sual cawh a kuanter ding.

Pathian in a zumtu hmuahhmuah, Egypt mi hrang tiang, rundamnak a run pe ding. Tu va feh uhla tuu note va that uhla a thisen nan sangka biang ah man cio uh Jehovah in hitin a ti,

fatir that ding ih Egypt ram ka run fansuak tikah sangkaa biang ih nan man mi tuu thisen ka hmuh ahcun nan inn ka lan ding ih, nan fatir ka that lo ding. Tui zan cu nan inn ciar ah um uhla nan thah mi tuu sa kha ei uh.

Kan fatirpawl teh ziangtin? An thi ve pei maw?



Egypt uktu bawipawl hnenah va feh uhla an sui le ngun, hlawn thilpawl va cawi uh.

Pathian in an thinsung ah hna a tuan ih alak in tampi an lo pe ding Nan tim tuah uhla thaizing zingpintah pawksuak dingin rak mancia uh. Hi hmunah nan ra kirsal nawn lo ding. Egypt cu catuan in bye bye nan ti thlang ding. Cu mi cu nan hrangah can thawknak ni thar a si ding



Papa, hi mi cu kan tuu neih sun a si ih, thil dang a sen mi kan hmanng thei lo maw?

Ka fapa, Pathian in tuu that uhla nan sangka biangah man uh a ti. A sim vek cekci in kan tuah a tul. A thu lung lopawl a hremdan na hmu zo. Hi tuu hi thihnak ihsin lo luattertu a si.




Cu ti a si ahcun hi tuu hi ka aiah a thi maw?


Ka hrang khalah a si. Ziangah tile kei khal fatir hrin ka si ve.




Jehovah in nan sangka biang ih thisen ka hmuh tikah in zum ti ka thei dingih innsungih um mi zohman ka that lo ding a ti.

Nunu, ziangruangah papa in sangkaa biangah thisen a hnih?





A pawi nasa. Asinan na tlai tuk zo fawn. Ralrinak an lo pecia nan na rak zum duh fawn lo. Tui zannah mitampi an thi ding ti ka phang zet.



A H H H E E E!

Nooooo!

A si lo, Pathian! Ka fapa cu that hram hlah aw.

Siatsuahtu in a run fansuak vekin cui zannah mi thawng tampi an thi. A zumtu le sangka ih tuu thisen a hnihtu hmuahhmuah cu an nung.



Ka fapa a thi zo!


Zamrang uh, Mawsi kha hi nah rak hruai lohli uh.




Hi pa hi an innsang-ih fatir a si.

Ziangtin e..?

Uh GGG!




Pharoah in Mawsi a kosal.



Asinan Pharoah in Mawsi-ih mithmai a zoh lo.

Ka soal a si. Zangfahten na mipi zate thawn Egypt suahsan uh. Nan Pathian-ih thiltuah mi hi ka tuartheinak in a daih nawn lo. Nan pawhsuak hlanah in thlawsuah ta aw.



An pupapawl hnenih a tiamcia vekin kum 400 a kim ih Egypt ram an suahsan thlang. Egypt-pawl in an phurh thei zat in sui le ngun, hlawnthil le ei ding phunkim an pek. Hebrew-pawl hrangah cun an lungawi bik can a si. Rampi pakhat ih an ni khatnak a si fawn.

Ramtiam an pan ih nunau le nauhak thawn mipa 600,000 cu Egypt ihsin an pawhsuak.

Pathian in sunnah daihnmeh petu mero le tleunak petu meisa thawn zanah a hruai hai.